

中興禮書續編

中興禮書續編第六十卷

凶禮二十六

永思陵二十六

發引一

淳熙十四年十月十一日詔大行太上皇帝攢宮總  
護使差趙伯圭橋道頓遞使差洪邁

同日禮部太常寺言大行太上皇帝陵名欲乞依典  
禮差宰臣擬撰詔差王淮

十二日翰林學士知制誥充橋道頓遞使洪邁言準  
差充大行太上皇帝攢宮橋道頓遞使所有合行事  
件欲乞并依昨戶部侍郎董莘紹興二十九年申請  
前後已得指揮施行詔依

十四日少保安德軍節度使充萬壽觀使滎陽郡王  
趙伯圭言奉差充大行太上皇帝橫宮總護使所有  
應干合行事件欲乞并依昨吳益紹興二十九年  
前後已得指揮施施詔依

同日詔大行太上皇帝山陵橫宮已依紹興十二年  
永祐陵橫宮故事差總護及橋道頓遞使其礼仪  
簿儀仗使合与不合差置可令礼部太常寺討論以  
聞

十六日詔發引可差知臨府韓彥質橋道頓遞使  
措置梓宮渡江

十七日礼部太常寺言今討論下項国朝會要乾德  
二年正月七日以宰臣范質為改卜安陵使翰林學

士賓儀為礼仪使部礼尚書張昭為鹵簿使御史中丞劉溫災為儀伏使皇弟開封尹為橋道頓迎使後質罷相命開封尹代為兼轄五使公事昭致事以密直學士薛居正代開寶九年永昌陵命開封府尹齊王廷美為山陵使兼橋道使翰林學士李昉為儀礼使知制誥李穆為鹵簿使侍御史知雜事雷德賡為儀仗使既而又命齊王兼充頓迎使中興礼書紹興元年四月十九日太常寺言檢照祖宗以來合置園陵等五使緣近降遺詔係權宜擇地櫟殯欲乞止命大臣一員總領櫟殯一行事務餘俟他日遷奉差置五使以尽推崇之意詔櫟宮總護使差同知樞密院事李回橋道頓迎使差刑部尚書胡直孺候遷奉日

故依事差置五使紹興十二年九月七日禮部太常寺言將來修奉徽宗皇帝顯肅皇后懿節皇后櫝宮乞差櫝宮總護使禮儀橋使頓道迎使今參酌欲依昭慈聖獻皇后櫝宮禮例總護使差執政官橋道頓迎使差侍從官外其禮儀使更不差官詔以總護使差樞密使孟忠厚橋道頓迎使差戶部侍郎張澄紹興二十九年十月四日詔顯仁皇后櫝宮總護使差保康軍節度使開府儀同三司充萬壽觀使蓋吳橋道頓迎使差樞密戶部侍郎董革檢照祖宗典故開具在前今未大行太上皇帝升遐已降指揮應干合行事件并照昨徽宗顯仁皇后已得指揮体例施行今討論五差置五使緣有前項禮例欲依紹興元年十

二月二十九日已行礼例施行詔依

同日喪事提點支費主樞主管支費申將耒梓宮發引沿路排設路祭乞故例立定壓祭絹內宰相使相各五十匹侍從台諫各三十匹管軍知省知閣御帶御藥門司直殿等各二十匹六曹郎官侍監少卿監司等各一十匹所支銀絹錢合支長短脚刺乞比擬支破于料次錢等內支破節次銀絹等欲乞并依昨顯仁皇后殿櫨發引体例詔依

二十六日詔大行太上皇帝櫨宮事務內外諸司合用什物器皿仰紹興府參酌紹興二十九年体例隨宜應辦毋得過有科擾先是西浙轉運判官鄭汝諧言計開紹興府諸縣以橫合為名廣行科歛乞降皇榜嚴行止化仍令縣以橫合料合用名件逐一開具行下使有違守不行先期張

皇侍御史引有日先言乞下紹興府謝縣成元得料  
撫其應辦橫宮百色支遣并從本府支撥錢未應付

十一月四日皇弟少傅靜江軍節度使充醴泉觀使  
恩平郡王璩言臣自幼恭陪聖訓眷注日隆未有消  
埃之報臣恭閱大行太上皇帝哀訃悲號陳請特蒙  
聖恩許臣隨班入臨仰荷皇慈俯念微臣唯是日月  
如流哀慕摧烈臣乞俟梓宮發引日躬隨編仗扶從  
以至陵所掩轎訖恭陪祔廟之禮庶使臣心得藝哀  
悃之萬一并乞日後遇寒日節十日朔許臣前詣宮  
陵朝萬望聖慈特賜俞允詔依  
十日礼部太常寺言勘會將來大行太上皇帝梓宮  
發引今具申請下項 一依礼例太傅持節導梓宮

所有合用節一副乞下工部指揮文思院製造施行  
一將梓宮發引日合用大昇輦并龍轎欲乞依事  
令工部下文思院比附紹興十二年二十九年休例  
修製修施行 一將來梓宮發引合用熟三匹纁二  
匹贈玉一段係于櫬宮內安設所有熟纁乞下太府  
寺指揮左藏庫揀選堪好物帛充其贈玉乞令工部  
下文思院如法製造并赴太常供納 一合用盛熟  
纁帛贈玉匣床及把鎖匙全一副乞下工部指揮文  
思院製造畢交割付衆葬作頭抬擎 一行啟奠祖  
真遺奠之礼合用祭器乞就用本寺見管祭器使用  
外所用合用牙床三張乞下工部指揮文思院如法  
置造施行仍于發引前期赴常太寺送納并合差撥



拾擎兵士一十五人節級一名乞下步軍司差禁軍  
前期管押赴太常寺事畢發還如經由水路乞下所  
屬差撥人船施行詔依

二十二日禮部太常寺言勘會將來大行太上皇帝  
梓宮發引條具申請事件下項 一依禮例梓宮發  
引日總護使橋道頓遞使都大主管官就幄次前朝  
辟餘行事官并免所有將來梓宮發引日欲乞依上  
件禮例施行 一檢照紹興十二年二十九年禮例  
依國朝故事發引日合用鹵簿儀仗緣節目未脩發  
引日權以儀衛服青紫褐衫執持儀物充代令主管  
禁衛所前期相度差撥所有今來發引日欲乞依上  
件禮例施行詔依

二十四日臣僚奏臣聞礼者國之大經可以化民厚俗可以分辯邪正可以懷遠折衝衛世俗之論常以爲迂緩難行苟能信而用之則旋至而立有效今者國家遭罹大變慈極上賓陛下篤于喪礼哀毀踈蒸發于天性衰麻經杖既練勿除中外臣民瞻素望仰无不稱頌聖孝繼以感泣豈非礼可以感民厚俗乎廷臣有創爲稱祖之議者陛下嚴重宗廟不然其說与眾議之礼官據經援古以折其非眾心莫不厭服以爲悞當豈非礼可以辯邪正乎虜使來賀陛下方居喪次議者皆欲陛下屈礼奪哀延見使人聖心獨不忍以麤哀而受慶礼虜使聞議即服委順而歸豈非礼懷遠折衝手較此三事信知礼有益于聖德有

補于國家如此唯是喪改制廢闕已久自漢文變古  
先王之制既不可服唐佞臣李義甫許敬宗輩削去  
國卹一篇喪紀制度蕩然莫知據依是以當倉卒喪  
故之際凡委巷俚俗之儀釋老荒誕之說巫史淫誣  
之事一切遵用喪制有合已殮櫨有雞枕狗杖其為  
不經尤甚蓋上下憂迷討論未暇既往不咎尚復何  
言唯是將來梓宮發引所有合行典禮合用儀物四  
方于焉覲禮後世于焉取則則此不可不熟講也陛  
下欲終三年衰經之制于宮中則虞祭之後欽奉几  
筵必有其所當身親之不可使近習專領也今山陵  
期日尚遠已失于禮不可掇之于先尚可圖之于後  
臣愚欲望陛下駿發德音詔儒臣礼官博採歷代凡

百喪制酌其宜于今而合于古者推而行之以興起  
百王之墜典不專用礼生故案之文下礼不經之事  
庶幾四方有所感後世有所遵依茲事体大非陛下  
聖孝不能與舉臣職兼礼察冒昧敢言惟陛下裁赦  
詔依 同日臣僚奏恭讀大行太上皇帝遺詔山陵  
制度務從儉約仰見太上皇帝慈儉之德根于天性  
雖當彌留之際猶不忍以一身之故為國家斯民費  
也陛下聖孝純至冠于百王思慕罔極之恩不忍以  
天下儉其親見于喪制務從優厚此誠人子之至情  
也臣愚深惟太上皇帝躬極斯民于兵戈之中措之  
治安深仁厚澤涵濡海內者三十有六年基業已定  
不吝大寶之位援援聖躬盛德如此苟有附于大行

之身有竊于大行之梓宮有厚于大行之宮陵者雖  
殫國家之儲積而為之亦未足以盡陛下欲報之心  
也雖竭生民之膏血而為之亦未足以盡臣民欲報  
之心也倘非有益於大行非有裨益于聖孝而徒為  
國虛費者可不深惜乎今諸使諸司等處辟置官局  
殆二百人子弟親屬交互差辟富民贓吏雜流白身  
皆廁其間道路沸騰強為買辟各有定價或預相要  
約悉以券食犒設之類歸之所辟使長惟貪饕賞以  
莫幸進或身為守俸為朝士不顧廉恥爭先入局乞  
支知州俸給未審有何建明有何行移有何辦集而  
輒叨厚祿如此竊聞戶部畧計其數只券食錢一項  
至十二月止已當十一萬貫況山陵尚未有期日雖

數十萬未足以給券食之費一也今上下皆明知其  
冗濫然不欲裁節者豈非欲優厚于喪典以為非所  
當損歟不知此曹實悖公家之禍而為私室之利至  
安忍也至貪冒也擇其冗濫太甚者而澄汰之又何  
薄于喪典何損于聖孝乎且國家用度從來窘匱况  
今歲災旱偏及諸路而又遭此大喪自山陵廢用之  
外飢民流移又當賑濟因信往來又倍供億雖有指  
揮凡修營百費并從內庫及封樁錢物支撥不侵有  
司經常之費然內庫封樁其為生民膏血一也國家  
賴此以基為本陛下孝思特捐此以助山陵之廢費  
亦豈可不審所當用手臣愚欲望明詔大臣係取諸  
便諸司等處所辟置員數及券食犒設錢物等應于

項日付之侍從台諫公共集議量其事任煩簡為之  
搏節審其人才可以集事者與之存留以經大費以  
塞貪冒天下幸甚臣職預耳目之末迫于獻忠不避  
眾怒仰惟陛下特賜省察詔依

中興禮書續編第六十一卷

凶禮二十七

永思陵二十七

發引二

淳熙十四年十一月二十五日臣僚上言臣聞人主以奉先為孝人臣以体國為忠仰惟陛下自罹天喪哀戚過情臣下雖為易月之文聖躬自服三年之制孝道之極上通神明至于修奉山陵百費并從內帑之降不忍以一毫科擾于民指揮下日不獨中外臣庶贊嘆一詞將使夷狄聞之嚮風慕義陛下所以奉先者可謂至矣人臣于此能以体國為忠詎可以一身榮利自為謀哉臣近者伏見迎奉櫬宮諸使辟差



官屬員數損冗以至胥吏兵卒一行人眾其徒更繁日支錢米數目浩翰臣近于諸司糧料院取到數目權行約度每月借請新旧請給并添破等錢約五萬餘貫米五千餘石此外又有逐次犒設將來梓宮發引日嚴更警場禁衛諸班直親從親事官礼部太常寺一行諸色人眾合用錢米不在此數今來發引未有時日而諸使官屬胥徒等未施毫髮之力坐費俸錢廩粟各計萬數苟以国休為心于義豈能自安也况國家遭此变故連遣金国使命所有礼物數倍常年加以今歲旱傷江浙飢民何啻數十百萬張口待哺延望賑給雖國家帑藏之積固非一日然此非天雨而鬼輸用之無窮何以為異時緩急之備臣愚欲

望皇明洞鑒除今來修奉山陵之礼務從隆厚以彰  
陛下聖孝其諸使官屬胥徒於未發前諸色請給合  
加裁損權減一半候將來發引有日却行全支庶几  
朝廷有用之財不為虛費而臣下体國之義亦復何  
辭臣謬當言責採之公論不能自己故敢冒昧奏陳  
惟陛下裁幸伏候勅旨檢會十一月二十四日臣僚  
奏節文乞將使司等處所辟員數及券食犒設錢物  
等應干項目付之侍從台諫公共集議為之撙節人  
才可以集事者与之存留詔令有司一就詳議奏聞  
十二月二日喪事都大主管所言契勘將來被差官  
吏諸色祇應人等并支破食錢去所自十月八日支  
破至今僅及兩月緣即日未有發引日分所有日支

食錢進取止詔候及七十日權行住支俟發引有日  
別行取旨九日閤門言檢會令節文立春日賜臣僚  
幡勝契勘來年正月一日立春緣大行太上皇帝梓  
宮未發引所有臣僚幡勝淳熙十四年十二月八日  
進呈詔免賜

十五日禮部太常寺言檢會紹興十二年徽宗皇帝  
梓宮發引禮例梓宮經過州縣合行排祭其不係經  
由州縣即不合排祭所有將來大行太上皇帝梓宮  
發引經過州縣乞依上件禮例施行候指揮下日令  
都進奏院編牒諸施行詔依

十五年正月十五日禮部太常寺言今具國朝祖宗  
山陵故典下項永定陵乾興元年八月十二日禮儀

院言灵駕發引前有司進龍輅於延慶殿西階挽士  
退先請皇太后奉寧龍輅舉器尽哀退行事官入皇  
帝行奉寧之礼從之九月二十四日既旦帝啓奠于  
梓宮郡臣入臨升梓宮于龍輅祖奠徹步從以出正  
陽門外梓宮升舉設遣奠讀哀冊帝哭踊尽哀礼畢  
歸次皇太后詣大昇舉前奉辭侍中奏請灵駕進發  
永昭陵嘉祐八年十六日帝啓奠于梓宮臨郡臣入  
臨升梓宮于龍輅祖奠徹皇太后步哭以從出宣德  
門梓宮升舉設遣奠讀哀冊帝与皇太后奉辭還宮  
永厚陵治平四年八月八日上啓奠于梓宮百官入  
臨升梓宮于龍輅祖奠徹步哭以從出宮德門梓宮  
升舉設遣奠讀哀冊上与皇太后奉辭退宮永祐陵

紹興十二年九月十三日權禮部侍郎施垌等言檢  
會永定陵故事發引前有司進龍輜于延慶殿西階  
挽士退先請皇太后奉寧龍輜舉哭尽哀退又永厚  
陵故事發引日神宗皇帝与皇太后于舉前奉辭欲  
乞比附前項故事是日于發引時前請皇太后自內  
詣龍德宮梓宮前燒香舉哭奉辭退還內詔依大行  
太上皇帝發引所有皇帝奉辭依典禮合于德壽宮  
門外行遣奠之禮內皇太后奉辭去處伏乞朝廷敷  
奏取自施行服候指揮小貼子稱檢照禮書徽宗皇  
帝梓宮係于龍德宮發引行遣奠禮緣龍德宮門外  
地步隘窄已設皇帝御幄難以更設皇太后御幄是  
日于發引時前請 太后詣龍德宮燒香奉辭退還

內緣龍德宮亦係在皇城門外詔令礼官議定閤奏  
二十七日右監門衛大將軍沂州防禦使權知大宗  
正事點不言伏觀將來大行太上皇帝梓宮發引臣  
我忝宗官職于恭奉本司及親賢宅南班宗室十員  
随侍扶護至櫨宮礼畢日即回趨赴祔廟立班庶几  
少數臣子消埃之城臣愚欲望聖慈特降睿旨賜允  
施行詔依

二月一日兵部尚書兼礼部尚書宇文价等言今恭  
酌祖宗山陵典礼據定皇太后奉辞去處具今下項  
一發引日子皇帝行啓奠礼前允奏請皇太后服  
衰服詣大行太上皇帝梓宮前舉哭行燒香奉寧之  
礼訖權退有司設啓奠礼饌畢次奉請皇帝服衰服

詣梓宮前行啓奠之禮訖百僚行立班行禮畢皇帝  
權歸幄百僚退先赴城外以俟奉辭聖駕次有司徹  
啓奠禮饌侍中跪請靈駕進發輦官捧擎梓宮稍前  
又請靈駕少駐奏請皇太后就德壽殿梓宮前行奉  
辭燒香之禮畢退有司設祖奠禮饌畢奏請皇帝詣  
梓宮前舉罌行祖奠之禮皇太子率執總護使皇親  
南班官行事官陪位俟行禮畢有司徹祖奠禮饌奉  
梓宮降德壽宮殿升龍輜訖皇帝舉哭從行皇太子  
總護使皇親南班官并舉哭陪從出德壽殿至宮門  
皇帝權歸幄輦官挽士奉梓宮升大輦次有司設哀  
冊及遺奠禮饌畢奏請皇帝詣大昇輦前舉哭行遣  
奠請哀冊之禮 一所有梓宮降德壽殿升龍輜出

殿門曲尺頭東至宮門外大昇舉經由去處恐有妨礙乞依紹興元年及二十九年礼例令都大主管所行下主管一行事務勒喪事作頭預期相示將好礙處行下修內司同臨安府修治施行詔依



中興禮書續編第六十二卷

凶禮二十八

永思陵二十八

發引三

淳熙十五年二月三十日皇孫安慶軍節度使平陽王  
御名言恭親大行太上皇帝梓宮將來發引臣欲望  
聖慈令臣扶護至橫宮事畢即回程庶几臣子之心  
以尽孝誠伏乞睿旨從臣所請冒犯天威臣無任戰  
慄之至詔依

四日御史台言勘會將來大行太上皇帝梓宮發引  
其日文武百僚出城奉辭合排設文武臣路祭一座  
于立班處例近排設所有合用真衣絲繒冥器花果

香燭齋供道場等其所用錢欲乞依照紹興二十九年體例應文人至選人並照本身合得料錢每貫納錢三十文者于臨安府送納出給米鈔將所收到錢令本府委官排辦路祭等支使候事畢日其所收并支使過錢物報本台照會或有支費不尽錢數令臨安府一面繳納左藏庫詔依

同日礼部大常寺言勘會將來大行太上皇帝梓宮發引經由錢塘江并錢清江事体至重欲乞依典故降御封香祝專委官嚴潔致祭今具下項 一合用祝文二首并述以為梓官渡江前期致祭告之意一合用 一合用御封降真香二合一龍神二一合用 一合用酒二升底脯一段重四 栗一升底鬻

五合菁一束羊豕肉各二觔燭燭四條燎草一束乞  
從太常寺具數報臨安府紹興府排辦其礼料俟礼  
畢並投于江中 一合用白幣二段以熟白布爲之  
乞下左藏庫 給 一逐處合用行礼幕次乞下臨  
安府紹興府于逐江岸口絞縛釘設排辦施行 一  
祭告官奉礼郎太祝太官令乞輪隨從梓宮礼部太  
常寺官充詔依

十五日閤門勅契持來大行太上皇帝梓宮發引其  
日文武百僚出城奉辞合排設武臣路祭一座於立  
班處側近排設所有合用真衣絲贈冥器花果香燭  
齋供道場等其所用錢物除諸軍使臣免納外乞令  
應武臣橫行至承信郎並照本身合得料錢數每貫

納錢三十文省欲乞于臨安府送納出給米鈔內職  
事官以下并諸官司已排辦路祭去處更不送納將  
所收到錢乞令臨安府委官排辦路祭等支使候事  
畢日其所收到并支使過錢物申閤門照會或有支  
費不尽錢數令臨安府具數一面繳納左藏庫收訖  
依

同日詔皇后閤門人典字楊怜怜已下一十人將來  
護送大行太上皇帝梓宮至櫬宮可行下所屬去處  
施行

同日詔差主管大內公事知尚書內省事兼提舉十  
閤分事信國順懿吳從善已下一十一將來護送大  
行太上皇帝梓宮至櫬宮可行下所屬去處施行

十七日皇極右監門衛大將軍成州團練使權主奉  
吳王祭祀多才恭係預南班兼係親賢宅宗室之長願  
引伏念多才恭係預南班兼係親賢宅宗室之長願  
乞隨從扶護至橫宮祀畢日即回趨赴附廟立班少  
見臣子孝哀之誠伏乞敷奏特降指揮允許施行詔  
依

同日奏事提點支費言據主管支費申將來梓宮發  
引今條具申請下項 一將來發引沿路諸處有排  
辦路祭去處其壓祭絹今參照昨故例內皇后閣左  
右相使相各五十匹貴妃位郡王府侍從兩省官嗣  
王南班宗室安定郡王吳益王府各三十匹婕妤位  
二十五匹殿前司入內省都知已下都統馬軍司步

軍司各二十匹吳國長公主張韓劉岳楊等諸王府  
各一十五匹三省樞密院六部閤門四方館管皇城  
司兩浙轉運司臨安府國夫人韓宅殿前司馬軍司  
步軍司統制官御馬院臨安府學太武學文臣百官  
武臣百官紹興府界浙東安撫司提刑司提舉常平  
司紹興府蕭山縣會稽縣大宗正行司紹興府浙東  
總管鈐轄路分兩橫官司修奉總管都監各一十匹  
所有今未欲乞依昨故例支破施行并乞于支費絹  
內支破如或故故例內不曾該載及有未盡去處即  
乞從主管支費臨時相度比附支給若或官司等及  
各處撲集共作排一祭排辦止乞從上將一處合支  
絹數給散一應合支歷祭絹若行般擔沿路使散

竊慮差互散漫不便今欲乞據經筵排路祭去處合  
支絹所從本數前期差人抄劄至時先此給付印押  
關子候至宿頓去處齎執前來支請依數給散一  
所有今來發引沿路至櫟宮支費合用銀絹欲乞從  
本所約度數目將帶隨行支用如支用不足據合支  
數目本所印押關子給付請人候回程齎執前來請  
領詔依

二十四日禮部太常寺言勘會將來大行太上皇帝  
吳駕發引依國朝山陵典禮是日皇帝行啓奠祖奠  
遣奠之禮今條具下項 一依山園陵禮例梓宮升  
大昇輦內侍封鎖檢會昨徽宗皇帝梓宮發引經由  
水路折却大昇輦更不封鎖今來大行太上皇帝大

昇舉發引日亦係經涉水路欲依上件禮例更不封  
鎖今欲乞令總護使司照應施行 一檢照昨徽宗  
皇帝興禮其哀冊俟有司修置畢依旧文思院收掌  
俟發引前一日禮部設于行宮門外冊寶幄次俟發  
引日行遣奠讀哀冊禮訖其哀冊陳于大昇舉之前  
影殿之後導引至櫨宮日交割付櫨宮都監香火官  
收掌于發引前一日禮部設于德壽宮門外冊寶幄  
次俟發引日行遣奠讀哀冊禮訖其陳列導引次序  
及至櫨宮交割付都監等欲乞依前項典禮施行  
一今檢照昨徽宗皇帝興禮其謚冊寶于發引前一  
日本殿降出付禮部設于行宮門外冊寶幄次俟發  
引日陳列于大昇舉前哀冊之後導引至櫨宮于幄



次安設俟掩欂宮畢却以謚冊寶導引虞主回依旧  
交付本殿官俟虞發畢導引虞主至太廟其謚冊寶  
交割付太廟奉安所收掌所有今來大行太上皇帝  
謚冊寶欽乞于發引前一日本殿降出付礼部設于  
德壽宮門外冊寶幄次俟發引日陳設導引次序及  
候將來導引虞主回交付本殿官及導引虞主至太  
廟其謚冊寶令太廟奉安所于冊寶殿安奉欽乞並  
依前項典禮施行 一檢照礼例逐處合用冊寶幄  
次依令儀憲司隨宜量地釘設并捧冊寶職掌招擎  
儀衛人并就用奉上冊寶人充所有今來發引日逐  
處合用冊寶幄次等欽乞并依前項礼例施行 一  
啓奠祖奠合用祝文二首

一首述以皇帝行啓奠礼  
之意一首述以皇帝行祖

奠禮之意

一合用御封降真香乞從太常寺具合用數開

入內內侍省預先請降一啓奠祖奠遣奠合用白

幣三段

各長一尺八寸

乞令太府寺行下左藏庫支供

一發引日行啓奠祖奠遣奠禮共合用羊豕各三口

副羊豕各一口乞下臨安府預先收買付牛羊司入

滌養銀供應使用及至時差宰手工匠等祇應一

依札例發引日行啓奠祖奠遣奠并虞主回行慮祭

及卒哭祭其合用札料酒齊等乞從太常寺具合用

數報臨安府排辦所有合用祭器牙床并祇應人及

般擎祭器等兵士前期具合用數并人姓名開報所

屬照會前一日放入排辦交割付本殿及差殿內幕

士等招擎鋪設事畢招出交付太常寺職掌施行

一今來排辦啓奠祖真遣奠并九虞祭辛哭祭合用  
宰殺羊豕及鑊造神食去處及合用銅匱什物等乞  
令臨安府于德壽宮門外空閑去處量地隨宜修蓋  
席屋三間事畢去拆 一合于德壽殿東廊設素幄  
施行又于德壽宮門外西向設素幄施簾并逐處行  
礼合用白羅拜褥等并乞下儀鸞司預先計至排辦  
釘設施行 一將來發引日子德壽宮門外行遣奠  
之礼竊慮至日不測值雨欲乞依例礼令臨安府尙  
儀鸞司計會輦官人員喪葬作頭并太常寺預先如  
法結縛幕屋仍稍高濶不致疎漏及不得妨礙龍輅  
大昇輦道路 一契勘虞祭并辛哭祭其行事官祇  
應人等并合前一日致齋并合要安奉御封香祝文

禮料酒齋等宿齋幕次今未緣德壽宮門外地步窄  
隘無釘設幕次去處今欲乞并于傳法寺宿齋從太  
常寺報臨安府排辦施行 一行禮合用盥洗樂區  
并帳中拭爵巾乞從太常寺下文思院製造赴寺至  
日供進應奉一合用香炉匙合炭火燎草等并乞下  
諸司預先排辦施行 一將來發引日行啓奠祖奠  
遣奠之禮合差贊道太常卿一員輦引太常卿太常  
博士一員乞令太常寺官充 一合差捲簾侍香捧  
爵酌酒捧祝版監焚燎等內侍官乞下入內內侍省  
差官 一依禮例合差割繩內侍官一員乞下入內  
內省侍差官詔依

中興禮書續編第六十三卷

凶禮二十九

永思陵二十九

發引四

淳熙十五年二月二十四日禮部太常寺言檢照昨紹興十二年徽宗皇帝梓宮發引行啓奠遠奠祖奠之禮差太傅一員後從皇帝行禮係差宰臣所有將來大行太上皇帝靈駕發引欲乞依禮例差太傅一員後從皇帝行啓奠祖奠遠奠之禮詔依差左丞相王淮

同日又言勘會將來靈駕發引今條具下項一依典禮靈駕發引前一日呈拽按視車舉方相大昇舉并一行儀衛僧道等係總護使同都大主管官按視今來欲

乞依典禮施行 一檢照紹興二十九年禮例發引日  
總護使橋道頓遞使都大主管官於麗正門外幄前朝  
辭閤門引揖所有今來梓宮發引日總護使等欲乞依  
上件禮例於德壽宮門外幄前朝辭 一參照昨永祐  
陵典禮係依祖宗山陵典故靈駕發引日行遣奠禮畢  
除總護使并都大主管官合隨從外其餘行事侍中以  
下并先赴宿頓內隨從官沿陸若出陸許自執扇遇雨  
許披帶其沿路遇宿頓及至橫官以至掩攢日總護使  
已下并行事侍中等及皇親應合赴官并立班上香朝  
晡臨所有將來靈駕發引日行遣奠禮禮畢隨從官沿  
路宿頓服袞服立班朝晡臨等欲乞并依上件典禮施  
行其朝晡臨若值雨依例免拜所有朝晡臨合用香案

香爐匙合炭火供養食茶酒果等依禮例并係主管諸司排辦 一勘會今來靈駕發引日及皇親南班官候行啟奠祖奠陪位訖後從梓宮升大昇輦俟行遣奠陪位訖先退詣宿頓內不係隨從梓宮南班官至梓宮頓宿處以俟奉辭訖退 一永定陵典禮山陵使已下至永安并依至道故事更不朝拜三陵昨紹興二十九年禮例緣橫宮橫相去不遠總護使并陵從梓宮行事等官候事畢日易常服黑帶詣昭慈聖獻皇后橫宮永祐陵橫宮朝拜今來總護使及隨從梓宮行事等官朝拜欲乞依紹興二十九年禮例施行 一將來梓宮徽宗皇帝橫宮顯恭皇后御容顯肅發引至橫宮依禮例前一日奏告昭慈聖獻皇后橫宮徽宗皇帝橫宮顯恭皇

后御容顯肅皇后橫宮顯仁皇后橫宮懿節皇后橫宮  
其奏告官乞依例係總護使司行下大宗正司差紹興  
府宗室六員前一日赴泰寧寺致齋所有合用御封香  
祝文乞從太常寺依例具合用數關報所屬預先請降  
付兩橫宮司交割其合差太祝六員并合用供養食茶  
酒果物件等乞從太常寺報紹興府差官及以自來奏  
告禮例排辦施行 一沿路朝謁臨合用御封降真香  
一十合 一合用祭器乞用太常寺見管祭器具合用  
數津發前去使用詔依

二十八日特進左丞相王淮言奉勅差臣撰大行太上  
皇帝陵名者伏以履運中天夙紹開於帝統涓辰復土  
茲永奠於神靈恭上嘉名式循故寔恭惟大行太上皇



帝道同覆載明合照撫御宸區既濟艱難之業親傳  
聖嗣載高詒燕之謀緬惟弓劍之藏優若羹璫之見不  
改其列彰夏禹之計功永言厥思表武王之繼志大行  
太上皇帝陵名復請為永思陵詔恭依

三十日禮部太常寺言勘會將來梓宮發引今檢照國  
朝山陵典禮下項 一依典禮發引日群臣編素出順  
天門詣板橋立班奉辭候靈駕至皆舉哭再拜奉辭畢  
退改常服赴西上閣門及內東門進名奉慰所有將來  
發引日文武百僚服孝服出郡城立班奉辭大行太上  
皇帝靈駕欲乞并依上件典禮施行俟奉辭畢易常服  
黑帶詣德壽宮進名奉慰皇太后次詣文德殿門外進  
名奉慰皇帝皇后及依禮例次日作歇泊休務假 一

依典禮虞主至京群臣常服出城至板橋立班奉迎所  
有將來虞主回日文武百僚常服黑帶出都城立班奉  
迎欲乞依典禮施行 一奉辭靈駕奉迎虞主合用香  
案香爐匙合炭火等并合用幕次並乞下臨安府預先  
差人排辦量地絞縛釘設若值雨濕潤乞令就幕次立  
班詔依

三月一日禮部太常寺言勘會將來梓宮發引今條具  
下項 一梓宮發引至紹興依已降指揮本府於城外  
迎奉梓宮處排祭一座外今照得故例本府合於報恩  
光孝觀作道場三晝夜今欲乞依故例施行 一檢照  
故例梓宮發引經由州縣除公吏軍民不合製服外其  
見任寄居官曾服孝服者服初喪服不曾製孝服官止

服公服黑帶於城外排祭處俟梓宮將至長吏以下並再拜訖班首詣香案前三上香訖一盃茶三奠酒俛伏興復位並舉哭俟哭止再拜訖直身立俟梓宮過班退詔依

同日又言勘會將來梓宮發引今條具下項 一所有將來致祭錢塘江其行事官四員已降指揮係差隨從梓宮禮部太常寺官充如員數不足欲乞令太常寺輪請隨從梓宮行事官充 一太常寺係掌行排辦沿路應合行事務所有行移催促合用印記欲乞於禮部時暫闕借奉使印一面行使事畢送納 一梓宮發引至橫宮行遷奠掩橫宮并虞祭之禮所有御封香御書祝文祝禮料祭器牙床等并合預先排辦齋擎渡江前去

橫宮欲乞依紹興二十九年體例合差般擎兵士三十人內節級一名下步軍司差禁軍充發引前十日到寺入門事畢日發遣每人日支食錢二百文米二升半令步軍司申戶部行下糧料院出給券歷批勘一月於左藏庫支給內米於紹興府諸頓支請施行并合用收盛御香祝文禮料等籠擔五付乞下臨安府收買赴太常寺使用 一太常寺所差行遣文字并贊引祇應贊者一十人并供應香奩祭器寶設等供官五人並未有借請起發今欲乞依紹興二十九年體例并各借本身請給一月詔依

五日禮部太常寺言勘會將來靈駕發引是日皇帝行啓奠祖奠遣奠之禮今具差官下項 侍中一員奏請

靈駕升降進發權駐依禮例係差禮部長貳太常少卿一員帥執翼者障梓宮監察御史一員監掩橫宮少府監一員進龍輜將作監一員捧梓宮登龍輜兼掩橫宮太常卿一員充六虞祭及掩梓宮饗官啓奠祖奠讀祝文官一員遣奠讀哀用官一員遣奠舉用官二員進幣爵酒一員酌酒官一員詔依

同日詔將來大行太上皇帝梓宮發引前一日呈拽依紹興二十九年例免

同日詔差參知政事蕭燧充大行太上皇帝橫宮禮儀使同日禮部太常寺言勘會將來大行太上皇帝靈駕發引并至永思陵橫宮合差官下項 太傅一員持節導梓宮監掩橫宮少傅一員帥捧梓宮官奉升大昇舉

又引梓宮即櫬宮并攝少保復土九鍾詔太傅就差總護使伯圭少傅就差禮儀使蕭燧

七日兵部尚書兼禮部尚書宇文价太常少卿尤袤言  
準差充大行太上皇帝梓宮發引前路充攝行事欲乞  
依紹興二十九年體例各廳見破人從等合行將帶前  
去內書表司廐子親隨各日支食錢二百文親事官茶  
酒司厨子兵士各日支食錢二百文米二升半欲乞支  
給二十日仍各借請一月候回日依條剋除及殿前司  
各差破乘騎鞍一匹控馬人全事畢發遣其控馬人兵  
日支食錢欲乞依兵士例支破并令糧料院出給券歷  
批勘於左藏庫支給所有米并草料於紹興府諸頓支  
請施行詔依

八日詔永思陵櫬宮都監差內侍鄭安民內外巡檢差  
閤門宣贊舍人杜錫

同日禮部太常寺言勘會已降指揮三月十八日聖神  
文武憲孝皇帝梓宮發引行啓奠禮畢文武百僚并先  
赴城外以俟秦辭靈駕所有行遣奠禮畢皇帝歸幄以  
俟還內臣僚合行從駕今欲乞是日內管軍及應奉官  
俟行遣奠禮畢就大昇舉前奉辭訖易常服黑帶以俟  
從駕還內其文武百僚依已降指揮並赴城外奉辭詔  
依

同日又言勘會將來聖神武文憲孝皇帝梓宮發引日  
合行事件除已申請外今續檢照顯仁皇后梓宮發引  
故事條具下項 一檢照紹興二十九年體例應差充

上路行事侍中等官並乞令戶部下所屬支破本等驛券所有今來聖神武文憲孝皇帝發引行事侍中等官欲乞依上件體例出給本等驛券於左藏庫支給施行

一檢照紹興二十九年體例抬擎用寶援衛輦官親事官天街仗司各破錢米每日支食錢三百文米二升半合自出日起支入門日住支其所遣人依例借請一月並於所屬出歷批勘所有今來聖神武文憲孝皇帝梓宮發引抬擎用寶援衛輦官親事官天武街仗司合破錢米支破二十日并借請一月欲乞所屬出給券歷行下左藏庫支給米於紹興府逐頓批勘施行候回日依條除尅

一據御廚牛羊司祁寶等狀差撥隨逐梓宮發引沿路虞祭宰殺牲牢及饌造神食祇應即無日



遞添支食錢亦無口券借請乞下所屬支給食錢口券  
施行本寺契勘御厨工匠三人牛羊司宰手秤子四人  
欲乞依兵士體例各人每日支食錢二百文米二升半  
乞支破二十日仍借請一月於所屬出給券歷錢乞行  
下左藏庫支給米乞於紹興府遞頓批勘施行回日依  
條除剋詔依

中興禮書續編第六十四卷

凶禮三十

永思陵三十

發引五

淳熙十五年三月十一日禮部太常寺言將來聖神武  
文憲孝皇帝靈駕發引并至永思陵橫宮合差少傳一  
員帥捧梓宮官舉升大昇輦又引梓宮即橫宮少保一  
員復土九抃詔攝少傳改差總護使趙伯圭攝少保依  
就差禮儀使蕭燧

同日兵部尚書兼禮部尚書宇文价等言檢照國朝永  
熙陵至道八年八月三十日禮儀使言未廢發引前皇  
帝行啓奠之禮百官立班今緣其日甲時發引群臣赴

內廷立班不及又內中難以止宿望令除啓奠行禮公卿宿於內中餘官并止赴乾元門前幕次至時候謁靈駕從之勘會今來聖神武文憲孝皇帝梓宮發引已降指揮用三月十八日丑時八刻後艮時依儀行啓奠禮文武百僚立班訖先赴城外奉辭照得今來發引係用艮時又在甲時之時又緣大昇舉龍輜車並在德壽宮前排設委是窄隘壅遏今欲乞依前項國朝典故除啓奠行奠皇太子太傅宰執總護使皇親行事侍中以下前導等官下餘文武百僚并免啓奠立班徑赴城外以俟奉辭靈駕詔依

同日尚書省言聖神武文憲孝皇帝靈駕發引在即檢會永熙陵典故至道三年四月差山陵等五使外九月

十四日命宰臣呂端攝太尉

即今之太傅

持節導靈駕至山

陵及真誥冊誥寶監鎖皇堂詔攝太傅持節導靈駕又真誥冊誥寶監掩橫宮差右丞相周必大

同日數文閣直學士提舉隆興府萬壽宮韓彥直言今月十八日聖神武文憲孝皇帝梓宮發引凡在臣子肝胆分裂矧彥直受國厚恩梓踊無地緣彥直見係外祠所有赴臨欲望朝廷特賜赴奏許彥直赴赴少伸號天扣地哀痛隕越之情詔依

十三日尚書省劄子新除太府少卿韋璞狀昨任匠作監兼權太府少卿準差充大行太上皇帝靈駕發引將作監捧梓宮登龍輜兼掩橫宮今來改除上件差遣未審合與不合前去候指揮太常寺勘會今來本官正除

太府少卿若依元降指揮止令本官充攝將作監行事  
即無妨礙右已劄下新除太府韋少卿照會外今劄付  
太常寺照會準此

同日尚書省劄子新除樞密院檢詳諸房文字范嗣彞  
狀昨任軍器監準差充太行太上皇帝靈駕發引攝少  
府監進龍輜今來改除上件差遣未審合與不合前去  
候指揮太常寺勘會今來本官改除樞密院檢詳諸房  
文字若依元降指揮止令本官充攝少府監此事即無  
妨礙右已劄下范檢詳照會施行外今劄付太常寺照  
會準此

十四日太常寺言準省劄參知政事蕭燧言準差充聖  
神武文憲孝皇帝橫宮禮儀使就差攝少保行事所有

梓宮進發至永思陵橫宮沿路頓進去處及掩橫了畢  
合行禮儀下太常寺條具施行今條具下項 一發引  
日皇帝行啓奠祖奠遣奠之禮所有禮儀使即合陪正  
俟禮畢依總護使已得指揮禮例於德壽宮門外候前  
朝辭令閣門一就引依 一照得梓宮發引其行事官  
并於梓宮之前行船所有禮例儀使係就差少保行事  
亦合於梓宮之前行船 一沿路及至橫宮總護使以  
下合立班朝晡臨所有禮儀使立班去班處欲乞於太  
傳之後立班 一掩橫宮日時前總護使行遷奠之禮  
所有禮儀使即合陪位訖俟掩橫宮畢攝少保復土九  
鍾訖詣獻殿下立班奉辭訖退換常服黑帶 一勘會  
已降指揮俟將來掩橫宮畢依禮例差太常少卿迎奉

聖神武文憲孝皇帝御容詣永思陵下宮前殿行奉安禮今來事體至重兼已差禮儀使所有是日迎奉御容行奉安燒香之禮自合禮儀使奉迎赴永思陵下宮前殿行奉安禮詔依

十七日兵部尚書兼橫宮儀仗鹵簿使職事宇文价言勘會今來聖神武文憲孝皇帝梓宮發引沿路至橫宮導引前連後次執擎儀物禁衛等臣取索合排辦去處編排次圖本外乞行下應合屬去處至日導引不得攙先喧鬧詔依

哀用文

維淳熙十四年歲次丁未十月戊辰朔八日乙亥聖神武文憲孝皇帝崩于德壽宮之德壽殿旋殯于殿之西

階粵明年三月丁酉朔三十日丙寅遷座于永思陵橫  
宮禮也堯喪三年周葬七月歲塗既撤廢車將發孝子  
嗣皇帝臣御名感形霜露幕見羹牆望陵陌之鬱鬱攀  
梨柳以皇皇肆念啓佑無忘答揚詔近臣以寫哀書大  
用以圖芳其辭曰 宋受天命世有明禋藝祖創業宏  
區底定赫赫巍巍重熙累盛入廟稱宗則篤其虔歷運  
无疆危惟陽九極傾孰立維絕孰紐於穆至神寔天所  
授勇智正邦聰明作后乾初在潛其仁淵淵草昧經綸  
應變中權軍車往使疆寇氣誓建旗一呼四方雲合赫  
矣睟顧叢然瑞謀其永命于新邑益增光于大業迺從  
康邸立號商丘還祀夏之鍾虞愍思漢之吟謳既荅明  
靈爰誅畔渙王旅風行神机电斷觀廣宇之肅清信亨



之廬之懽憚迫驚弁於霍咳復綏懷於默散威靈既暢  
孝感亦昭旋駟駕於北闕奉寶用於東朝愛兼南朔誠  
格卑高邊城綏帶以咽哺比室滌澌而時膏爛鈎鈐而  
在轄沈貫索以空牢乃開賢士之闕乃開群玉之府躬  
龍券之勝服幸輦飛之新宇白虎陳奠於元會慈格服  
軌於千畝蜎復興於文化夔追參於隆古御圖三紀冠  
德百王七謂歎於圓丘五將饗於明堂想靈旂之颯沓  
歆至治之馨香功已極於出寧心不忘乎退藏濬發淵  
衷從容內蟬脫展嵩崇高頤神開燕付託得人而無憂  
謙靜應福而增衍疊申大慶亘古所無加上鴻名與天  
為徒帝真與於九齡神何止於三呼黃金以就白雲可  
乘鶴駕紛兮并迎仙馭忽兮飛昇嗚乎哀哉凍雨凝廟

朔風慘悽暝烟橫兮如織短日澹其無輝充黃庭兮列  
仙素閨清宮兮張縹緲惟荆鼎龍遙設攀髯而仰望昭陽  
鳥在忍帶箭以低飛嗚呼哀哉塔燹屢改陳駒若馳因  
山協兆甫窀告期背衆闕兮前難唱紛吉伏兮離凶儀  
龍動兮引輜魚躍兮拂池哀若哀兮瞻宵戴以設祖痛  
莫痛兮望晨輶而永違嗚呼哀哉朝太廟以右轉濟大  
而橫絕地千巖兮勢勝形萬馬兮天設往駐蹕兮虞巡  
茲藏劍兮禹六嗚呼哀哉事循聖志禮用官橫無飾金  
兮霸原陋作岐兮井幹宅會稽兮南鎮期輩雄兮北還  
顧隱然兮連王氣於永昌終歸然兮虛舊宮於大安嗚  
呼哀哉天佑聖兮恢皇綱聖成能兮返帝鄉千齡兮萬  
代山川兮鬱倉晨舉兮玉衣夕凍兮銀床惟王功兮帝

德邁地久兮天長嗚呼哀哉

啓奠祖奠遣奠行禮儀

其日行啓奠禮時前皇太后自宮中服哀服德壽宮提  
舉官奏請皇太后詣梓宮前行燒香奉寧之禮畢權歸  
帳次有司設牙床牀宰禮饌畢禮直禮官引讀祝文官  
詣殿上東向立進幣爵酒官詣殿上西向立酌酒官於  
酒尊之後立次御史台問門太常寺分引皇太子太傅  
宰執總護使文武百僚於殿裏外隨地之宜立定次禮  
直官太常博士引太常卿於帷前立定皇帝服哀服至  
御帷即座侍御之官各服初喪之服簾降太史局報時前二刻禮執  
官太常博士引太常卿當帷前俛伏跪奏稱太常卿臣  
某言請皇帝行啓奠之禮奏訖伏興退復位簾捲前導

皇帝出帳詣殿上得位西向立皇帝再拜舉哭在位官  
皆再拜舉哭次內侍進槃匱沃水奏請皇帝去杖盥手  
內侍進中奏請皇帝悅手內侍進爵奏請皇帝洗爵內  
侍進中奏請皇帝拭爵前導官前導皇帝詣大行太上  
皇帝靈座前次禮直官引太傅後從凡升降其祖奠建  
其禮皆太傅從後  
又奏請皇帝跪上香再上香進幣爵酒官西向跪先進  
幣次進爵酒又奏請皇帝受幣奠幣執爵三祭酒奠爵  
俛伏興又奏請皇帝執杖少立哭止讀祝文官東向跪  
讀祝文官奏請皇帝哭在位官皆哭又奏請拜皇帝再  
拜在位官皆再拜訖權導皇帝權歸帳簾降前導官於  
帳前立陪位等官並權退內文武百僚合赴城外奉辭  
者并先赴城外以俟奉辭還  
為徹啟奠禮饌俟時至侍中詣大行太上皇帝靈座前

俛伏跪奏稱侍中臣某言請大行太上皇帝靈駕進發

奏訖伏興退復位

凡侍中奏請皆俛伏跪奏訖伏興

俟輦官等捧梓宮

稍前侍仲中又奏請大行太上皇帝靈駕少駐俟權置

定輦官等并權退次德壽宮提舉官奏請皇太后詣梓

宮前舉哭行燒香禮奉辭之禮畢還宮有司設牙牀牲

牢禮饌畢次引皇太子太傅宰執總護使皇親南班官

行事侍中等及總護使司官屬詣殿下北向立定次禮

直官太常博士引太常卿當帷前俛伏跪奏稱太常卿

臣某言請皇帝行祖奠之禮奏訖伏興退復位簾捲前

導皇帝出帷詣殿上西向褥位立

奏請拜舉哭行禮并如啟奠之儀訖

前導皇帝還褥位西向立

太傅宰執前導官總護使司官屬權退詣德壽宮門外以

前導從立班次引皇親南班官於殿下稍東少立次引皇太

子升殿詣皇帝褥位之東西向立次引總護使升殿於

太子之後西向立禮直官引侍中奏請大行太上皇帝

靈駕進發

初行祖奠之礼少府監下

輦官等升捧梓宮

太傅持節導梓宮進發降奠太常少卿帥執紼者分左

右障梓宮初梓宮降殿皇帝舉哭從行皇太子總護使

皇親南班官并舉哭陪從至德壽宮次引侍中詣太行

太上皇帝靈駕前奏稱侍中臣某言請大行太上皇帝

梓宮升龍輜奏訖退次將作監捧梓宮登龍輜挽士奉

引至德壽殿次引侍中詣大行太上皇帝靈駕前奏稱

侍中臣某言請大行太上皇帝梓宮升龍輜奏訖退次

將作監捧梓宮登龍輜挽士奉引至德壽宮門外侍中

奏請大行太上皇帝靈駕權駐升大昇輦初至宮門外

皇帝歸幄簾降皇太子行事陪從官少退前導官立於

御幄前次少傅率梓宮官

作監梓

奉梓宮升大昇舉訖有

司設哀用牙床寢牲牢禮饌畢次引讀用舉用官進幣

爵酒官各隨地之宜立酌酒官於酒尊之後立次引皇

皇太子宰執總叅使等陪位官皆立定

陪位官如次禮

直官太常博士引太常卿當幄前俛伏跪奏稱太常卿

臣某言請皇帝行違奠之禮奏訖伏興退復位簾捲前

導皇帝出幄詣大昇舉之前褥位立奏請拜皇帝再拜

舉哭在位官皆再拜舉哭次內侍進槃匱沃水奏請皇

帝去杖盥手內侍進巾奏請皇帝悅手內侍進爵奏請

皇帝洗爵內侍進巾奏請皇帝拭爵前導官前導皇帝

詣大行太上皇帝靈駕前又奏請皇帝跪上香再上香

三上香進幣爵酒官跪先進幣次進爵酒又奏請皇帝受幣奠幣執爵三祭酒奠爵佯伏興又奏請皇帝執杖少立哭止讀哀用官跪讀哀用訖奏請皇帝哭在位官皆哭又奏請拜皇帝再拜在位官皆再拜訖陪位官皆退有司徹牙床禮饌前導皇帝靈駕進發有司官引侍中奏請大行太上皇帝靈駕進發有司率僧道各執威儀鉦鉦道具并應車輦法物哀用謚用寶等及儀衛執儀物人前引大行太上皇帝靈駕發引前導皇帝出幄舉哭執絲繩俟大昇輦進發內侍官割繩訖前導皇帝歸幄哭止簾降前導官退皇帝釋哀服服折上巾白袍黑銀帶以俟還內如來儀

百官奉辭儀



其日百僚先赴城外幕次服初喪之服有司先設香案  
俟大行太上皇帝靈駕將至御史台閉門太常寺集百  
官立定禮直官引班首已下詣班前立定俟靈駕至禮  
直官贊躬拜班首已下在位官皆再拜次引班首詣香  
再上香三上香復位立班首舉哭在位官皆舉哭俟哭  
止禮直官贊躬拜在位官皆再拜奉辭俟大昇舉過並  
退以俟奉慰

奉迎虞主日百僚並常服黑帶  
班首揖旁上香如儀唯不舉哭

中興禮書續編第六十五卷

凶禮三十一

永思陵三十一

遷奠掩櫨宮

淳熙十四年十一月二十二日禮部太常寺言勘會將來梓宮發引依故例合差禮部太常寺官等充掩櫨宮行事官俟掩櫨宮畢回程入門計會閤門朝見詔依十五年二月二十四日禮部太常寺言將來掩櫨宮今參酌典禮條具下項 一遷奠行禮官一員依禮例乞降勅差總護使 一遷奠并掩櫨宮各合差奉禮郎太祝太官令各一員并乞輪差隨從梓宮太常寺官如職事相妨乞報總護使司於屬官內差充 一合差內謁

者一員浴虞主并奏請神靈上虞主并合差捧腰輿內

侍官四員扶持二員夾侍二員

并兼安奉虞主祇應

並乞下入內

內侍省差官施行

一依典禮

按橫宮日總護使率應

在橫宮官進表奉慰所有今來按橫宮日欲乞依典禮

總護使率應在梓宮官進表牋奉慰皇太后皇帝皇后

一样宮發引至橫宮依禮例掩橫宮前一日合行奏

告昭慈聖憲皇后橫宮徽宗皇帝橫宮顯恭皇后御容

顯肅皇后橫宮顯仁皇后橫宮懿節皇后橫宮其奏告

官乞依例下大宗正司差紹興府宗室六員及下紹興

府差太祝六員於奏告前一日赴太寧寺致齋所有合

用御封香祝文乞從太常寺依例具合用數關報所屬

預先請降付兩橫宮司交割至日行禮使用并合用供

養食茶酒果等物件乞令紹興府依自來奏告禮例排

辦施行

一合用祝文二首

一首述以述美之意一首述以持權言之意

一合用御封真香二合

一合用白幣二段

各長一丈八尺

乞令大府寺行下左藏庫支供

一遷奠并掩櫨宮合

用羊豕各二口及合用香料酒齊并爵祭器席及行事

官等合用幕次什物燈燭拜席褥等并依例從太常寺

具合用數牒報紹興府收買排辦及差衙前二人專一

催促應辦并依紹興二十九年禮例合用裝載御封香

御書祝文并禮料酒齊祭器等船三隻乞下兩浙轉運

司前期差撥所有棹梢往回合破錢米亦乞令支費所

比附支破施行

一依故例橫宮合用梓宮待時輓次

照得紹興十二年二十九年禮例梓宮至橫宮捧升獻

殿權安奉以俟遷奠掩橫宮所有今來梓宮發引至橫  
宮欲乞依上件禮例捧梓宮升獻殿權安奉以俟遷奠  
掩橫宮 一安奉虞主乞於橫宮獻殿上安奉次行虞  
祭禮所有安奉椅卓乞依例令主管諸司排辦 一合  
用香爐匙合炭火等乞依例下主管諸司排辦 一遷  
奠掩橫宮行禮儀注乞依禮例從太常寺修定關報施  
行詔依

三十日禮部太常寺言按禮經重主道也鄭氏注云始  
死未作主以重主其神也重既虞而埋之乃後作主又  
云周主重微焉周人作主重埋之本廟司馬光云焚重  
於板橋非禮也且古者祭器敝猶埋之不敢焚以神之  
所依故也況重有主道乎檢照昨徽宗皇帝埋重於報

恩觀欽宗皇帝埋重於招賢寺所有今來大行太上皇帝埋重靈座殿前所立重欲乞依典禮俟將來梓宮發引日捧擎至橫宮令太史局官預期指引利方令修奉司差人開掘至掩橫宮日隨時埋之庶不違禮典詔依三月一日禮部太常寺言將來掩橫宮今條具下條一發引日其方相買道與等除綵結物色外其餘大昇舉方相買道與等候至橫宮於掩橫宮前一日令太史局於引橫宮外利方令主管一行事務差人監勒喪奠作頭焚燒一銘旌黜纁贈玉依故事并合入皇室安設一依典禮將來掩橫宮時行在文武百僚合進名奉慰今欲乞是日先詣德壽宮進名奉慰皇太后次詣文德殿門外進名奉慰皇帝皇后仍乞是日百司作休

務假一日所有合差定時刻尅擇官一名乞下太史局

差撥施行 一勘會已降指揮節文將來大行太上皇

帝梓宮掩櫬日迎奉懿節皇后御容於大行太上皇帝

下宮後殿安奉依禮例合行奏告昭慈聖憲皇后御容

并徽宗皇帝顯恭皇后顯肅皇后顯仁皇后懿節皇后

御容 一奏告合用祝文六首

懿節皇后顯恭皇后顯肅皇后顯仁皇后懿節皇后御容 奏告合用祝文六首

進書訖計會入內內侍省所差降香人一就齋降前去

紹興府橫宮司交割施行 一奏告合用御封降真香

七合

請降 一奏告合用牙盤食茶酒果等并合差太祝四

員并乞令紹興府依自來奏告例差官并禮生及衙前

排辦施行所有合差奏告官四員乞依制差修奉使司  
官奏告行禮其行事日乞於掩橫宮日先行奏告禮畢  
告遷懿節皇后御容於大行太上皇帝下宮後殿奉安  
其告遷安奉乞令本宮都監捧遷安奉行燒香之禮

一俟將來掩橫宮畢乞依禮例差太常少卿迎奉大行

上太皇帝御容詣下宮前殿行奉安燒香之禮所有合

用祝文一首

述以為掩橫宮畢迎奉大行太上皇帝御容詣下宮前殿奉安之意并合用

御封降真香一合乞令入內內侍省請降仍令入內

內侍省差人齎上件祝文御香降附紹興府掩橫宮司

交割其合用供養牙盤食茶果酒器皿香案香爐匙合

奠茶酒鈔鐏盆臺辦席褥等并乞下紹興府委官及差

衙前專一計會本宮排辦施行詔依



十六日禮部太常寺言勘會三月三十日聖神武文憲孝皇帝梓宮掩櫨宮太傅以下行監掩櫨宮神武文憲及奉辭次詣兩櫨宮朝拜并拜進慰表牋畢除太常卿以下虞祭行禮官及奉神帛官所所有太傅總護使以下行事官即便回程詔依

十八日右丞相周必大等言準省劄備坐已降指揮三月三十日聖神武文憲孝皇帝梓宮掩櫨宮畢所有太傅總護使以下行事官即便回程臣等檢照本朝故事山陵等五使係隨神主還京紹興十二年徽宗掩櫨之時緣紹興七年先已立虞主祔廟總護使以下所有徑赴行在至紹興二十九年顯仁皇后櫨掩櫨誤用紹興十二年變禮今來聖神武文憲孝皇帝神主在塗事

體例不輕臣等欲參酌典故導從渡江比之徑回止爭  
三日餘行事官自遵已降指揮先回於義為允詔依  
二十三日權禮部郎官倪思等言竊惟聖神武文憲孝  
皇帝靈駕發引 抵橫宮自今來距掩橫之日猶有旬  
浹仰惟聖情追念皇皇何以堪處是以常服未忍即御  
今欲乞未掩橫以前除宰執內殿奏事外所有百官輪  
對引見班次具與暫停俟掩橫畢日仍舊庶几仰稱聖  
上孝思哀切之誠詔依

二十五日總護使司劄子太常寺申准右丞相參知政  
事劄子監掩橫宮監察御史吳博古申恭覩聖神武文  
憲孝皇帝梓宮掩橫在近几屬臣子誰不痛心欲乞行  
下諸使諸司府縣各率其屬於掩橫前三日并令齋素

除薦獻外仍乞嚴立榜賞禁止屠宰少盡臣子哀慕之情伏乞嚴賜施行申聞事右劄送禮部尚書省太常少卿日下議定關報總護使司及合屬去處照會施行禮部太常寺今議定除橫宮薦獻外自三月二十八日二十九日三十日禁止屠宰三日本寺除已牒紹興府禁止施行外伏乞照會施行申聞事

遷奠掩橫宮

其日俟大昇舉前俛伏至橫宮侍中詣大昇舉前俛伏跪奏稱侍中臣某言請靈駕降輦升龍輜詣獻殿奏訖俛伏興有司捧梓宮升龍輜入獻殿訖俟掩橫日時前行遷奠禮俟有司於梓宮前陳設牙床祭器禮饌畢引太傅以下行事陪位官詣殿下北向立班定奉禮郎太

祝太官令又於其後立引行禮總護使詣西向立贊躬  
拜在位官皆再拜舉哭次引奉禮郎太祝太官令升殿  
就位立定次引總護使詣盥洗位盥手悅手洗爵拭爵  
詣酒尊所跪執爵太官令酌酒訖興詣梓宮前跪三上  
香奠幣三祭酒悅伏興少立哭止太祝讀祝文訖總護  
使再拜舉哭在位官皆舉哭總護使復位再拜在位官  
皆再拜訖哭止并權退俟掩橫時至引侍中詣梓宮前  
請奏聖神武文憲孝皇帝靈駕赴橫宮奏訖退有司捧  
梓宮即橫宮權退俟梓宮進皇堂訖次引將作監掩  
橫宮太傅監察御史並監視掩橫宮次少保復土九錘  
訖太史奏請靈上神帛初行掩橫宮內婦去之並權退  
有路虞主訖俟橫宮將畢奏請神靈上虞主  
俟有司陳設牙床祭器禮饌訖引太常卿奉禮郎太祝

太官令再詣橫殿下立班行掩橫宮饗禮如遣奠之儀  
惟不用陪位官禮儀使奉迎聖神武文憲孝皇帝御容詣下宮  
殿前行奉安之禮如儀內不係隨從虞主等官俟太常  
卿行饗禮畢並請橫殿下奉辭先兩拜舉哭俟哭止又  
兩拜訖退並易常服吉帶次右丞相率應合赴朝拜官  
詣昭慈聖憲皇后橫宮永祐陵橫宮朝拜訖退易常服  
黑帶詣太寧寺立班望闕再拜進表牋奉慰訖退  
軍內賜奉虞主詣獻次五使太常卿並詣永思陵橫殿  
殿上安奉于座  
下立班太常卿行虞祭之禮如別儀